



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400

fax. +387 33 726 423

e – mail: info@voda.ba

Broj: **UP-1/21-3-40-561-4/23**

Datum: **08.05.2024. godine**

„Agencija za vodno područje rijeke Save“ Sarajevo rješavajući po zahtjevu „I-CRNI“ d.o.o. Cazin, za izdavanje vodne dozvole za ispuštanje tehnoloških i oborinskih onečišćenih voda i za aktivnosti koje mogu imati specifične uticaje na vode prilikom izvođenja aktivnosti na lokaciji tvornice za proizvodnju opečnih proizvoda sa eksploatacionim poljem gline i pratećim sadržajima, izgrađenog u naselju Čoralići, općina Cazin na osnovu člana 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „I-CRNI“ d.o.o. Cazin, za ispuštanje tehnoloških i oborinskih onečišćenih voda i za aktivnosti koje mogu imati specifične uticaje na vode prilikom izvođenja aktivnosti na lokaciji tvornice za proizvodnju proizvoda opeke sa eksploatacionim poljem gline i pratećim sadržajima (proizvodna hala sa proizvodnim pogonom, sušarom i tunelskom peći, proizvodna hala za primarnu preradu gline, objekt mehaničke radionice, proizvodna hala linije za proizvodnju gredica, proizvodna hala za proizvodnju nadvoja, mehaničarska radionica sa kanalom za pranje vozila, objekt trafo stanice, objekt upravne zgrade sa restoranom, površina parkirnog prostora, objekt trgovine sa portirnicom, objekt nadstrešnice za skladištenje proizvoda, objekt kotlovnice, objekt rezervoara za mazut kapaciteta 500 tona, objekt plinske stanice, objekt plinske stanice industrijskih plinova (acetilen, kisik) za dnevnu upotrebu, objekt interne benzinske stanice, eksploataciono polje gline („Čukunovo brdo“), izgrađeno na zemljištu označenom kao k.č. broj 212 i 318/1, zk uložak br. 837 K.O. Čoralići (stari premjer), odnosno k.č. br. 47 i 1350 K.O. Čoralići (novi premjer), Grad Cazin.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Rješenje o vodnoj dozvoli se donosi na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da korisnik, u toku važenja ovog Rješenja, realizira dostavljeni detaljni dinamički plan sa finansijskom procenom ulaganja broj: 56-01/24 od 07.02.2024. godine odnosno da se izvedu radnje u skladu sa Glavnim projektom hidroinstalacija i vanjskog uređenja sa tretmanom otpadnih voda izrađen od strane „SENDO“ doo Sarajevo pod brojem: 205-10-i/21 od 29.10.2021. godine, revidiranim od strane „Smajić-Inženjering“ doo Goražde pod brojem: 140-REV-22-K od marta 2022. godine.
 - Da se do 31.05.2024. godine ishoduje urbanistička saglasnost za uređenje lijeve obale Čajinog potoka i izvrše pripremni radovi.
 - Da se do 31.08.2024. godine postave ivičnjaci oko kotlovnice i asfaltira trasa kod kotlovnice.
 - Da se do 30.09.2024. godine postave ivičnjaci od kotlovnice do proizvodne hale.
 - Da se do 31.10.2024. godine postave ivičnjaci od pumpne stanice za diesel gorivo do separatora ulja i masti.
 - Da se do 30.11.2024. godine izvrši betonaža dna i hidroizolacija tankvane, postave oluci na objekat kotlovnice i pumpne stanice, postave ivičnjaci oko pumpne stanice, postave kanalice i betonira plato za pretakanje naftnih derivata.
 - Da se do 31.12.2024. godine postave ivičnjaci oko koksare.
 - Da se do 31.03.2025. godine izvedu pripremni radovi na ulazu u proizvodni kompleks lijeva strana.

- Da se do 31.05.2025. godine postave šahtovi za zauljene i oborinske otpadne vode.
 - Da se do 31.08.2025. godine postave cijevi za odvodnju otpadnih voda od kupatila do auto radione.
 - Da se do 30.09.2025. godine nastave radovi na polaganju cijevi za odvodnju.
 - Da se do 31.10.2025. godine izvede mreža odvodnje izradom šahtova i postavljanjem cijevi između mašinske radionice i hale za gredice sa asfaltiranjem nakon radova.
 - Da se do 30.11.2025. godine nastave radovi na mreži odvodnje od ulaza u kompleks do tankvane.
 - Da se do 31.12.2025. godine postave ivičnjaci od nastrešnice do trafostanice.
 - Da se do 31.03.2026. godine nastavi sa radovima na mreži odvodnje od tačke Z41 do O41 po projektu.
 - Da se do 30.04.2026. godine izmjesti separator ulja i masti sa pozicije Z-1 na poziciju Z-2.
 - Da se do 31.05.2026. godine asfaltiraju površine gdje su izvođeni radovi.
 - Da se do 30.06.2026. godine izvrši pregled, kontrola i uradi zapisnik o izvedenim radovima.
- 3.3. Prilikom izvođenja radova naročito provjeriti stanje spremnika diesel goriva benzinske stanice za internu upotrebu, da li je sprenik dvoplašni ili jednoplašni, i u skladu sa tim poduzeti mjere zaštite te provjeriti tehničku ispravnost istog, antikorozivnu zaštitu, zaštitu od eventualnog procurenja posude, i slično).
- 3.4. Za radove na uređenju lijeve obale Čajina potoka, duž predmetnog kompleksa, potrebno je prethodno pribaviti vodni akt za uređenje vodotoka od strane Ministarstva poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 6. Zakona o vodama.
- 3.5. Da korisnik predmetnog kompleksa fabrike za proizvodnju opečnih proizvoda sa eksploatacionim poljem gline „Čukunovo brdo“, nakon izvedenih radova utvrđenih dinamičkim planom radova, osigura da se onečišćene oborinske vode sa pretakališnih površina interne benzinske pumpne stanice i pretakališta mazuta, kao i oborinske vode sa eksploatacionog polja nesmetano sakupljaju i odvođe do objekata predviđenih za tretman tehnoloških otpadnih voda (taložnici i separatori ulja i masti), a zatim tretirane vode ispuštaju u vodotok – Čajin potok, na čijoj lijevoj obali je izgrađen predmetni kompleks.
- 3.6. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) nosilac prava iz ove vodne dozvole dužan je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine na obrascu iz Priloga B navedene Uredbe.
- 3.7. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Prilog 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20).
- 3.8. Korisnik kompleksa tvornice opekarskih proizvoda je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24). Rezultate analiza dostaviti ovoj Agenciji.
- Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20).
- 3.9. Osigurati priručna sredstva za brzu intervenciju u slučaju nekontrolisanog istjecanja mazuta, nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).

- 3.10. Punjenje i pretakanje transpornih sredstava gorivom, odnosno mazivom kao i parkiranje mehanizacije te održavanje i sitne popravke radnih strojeva i vozila obavljati na vodonepropusnoj natkrivenoj podlozi s uzdignutim rubovima s nagibom, odakle će zamašćena voda odlaziti u separator ulja i masti.
- 3.11. Opasni materijal i otpad, kako u toku izvođenja radova tako i u toku rada pogona ne smije se ni privremeno odlagati na česticu «vodno dobro», odnosno u vodotok i na njegove obale.
- 3.12. Da se redovno prati stanje obale i korita Čajina potoka i u slučaju eventualnog uočavanja procesa erozije potrebno je poduzeti sve raspoložive mjere da se iste blagovremeno zaštite u skladu sa odgovarajućim rješenjem.
- 3.13. Da se do donošenja odluke o određivanju granica vodnog dobra za Čajin potok, za koju je nadležno Ministarstvo poljoprivrede vodoprivrede i šumarstva Unsko-sanskog kantona, poštuju zabrane aktivnosti propisane odredbama člana 12. Zakona o vodama u pojasu od min. 5,0 m od izrazite hidromorfološke promjene korita Čajinog potoka.
- 3.14. Da se sa opasnim i štetnim materijama (mazut i sl.) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
- 3.15. Talog iz separatora kao ni ostali opasni materijal i otpad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje V („Službene novine Federacije BiH“, broj 92/07, 46/09, 79/11, 88/12 i 03/16). Za utvrđeni broj EBS-a, prema rezultatima ispitivanja ovlaštene laboratorije, vlasnik odnosno korisnik objekta je obavezan vršiti plaćanje vodnih naknada u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12).
5. U periodu važenja ove dozvole, korisnik predmetnog kompleksa je dužan ispoštovati sve mjere i aktivnosti propisane istom.
6. U slučaju vanrednih situacija, havarijskih oštećenja i drugih sličnih okolnosti, čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
8. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, u skladu sa članom 1. stav (1) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24) sa rokom važenja do 30.06.2026. godine, uz uslov da se aktivnosti obuhvaćene tačkom 3. dispozitiva rješenja u cijelosti poštuju.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. Stav (1 ili 4. Zakona) tačka 1., 2., 3. o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „I-CRNI“ d.o.o. Cazin, obratilo se ovoj Agenciji dana 01.06.2022. godine zahtjevom za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja aktivnosti na lokaciji fabrike za proizvodnju proizvoda opeke sa eksploatacionim poljem gline i pratećim sadržajima, izgrađenog na zemljištu označenom kao k.č. broj 212 i 318/1, zk uložak br. 837 K.O. Čoralići (stari premjer), odnosno k.č. br. 47 i 1350 K.O. Čoralići (novi premjer), Grad Cazin.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra, Matični broj subjekta upisa: 1-2738-00 izdan dana 15.02.2023. godine, od strane Općinskog suda u Bihaću,
- Ovjerena kopija Uvjerenja o poreznoj registraciji, izdano dana 07.12.2007. godine, od strane Federalnog ministarstva financija-finansija, Porezne uprave, Kantonalni ured UNSKO-SANSKOG KANTONA,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, izdano od strane Uprave za indirektno - neizravno oporezivanje Bosne i Hercegovine, broj 04/1-17-56-1398-2/07, dana 18.12.2007. godine, u Banja Luci,
- Kopija platnog naloga za plaćanje upravne pristojbe,
- Kopija rješenja, kojim se investitoru Tvornici opekarskih proizvoda i trgovina građevinskim materijalom Cazin, daje odobrenja za građenje objekta Tvorničke hale na zemljištu k.č. br. 316/1, 316/2, 316/3 i 316/4 K.O. Čoralići; izdano od strane Opštinskog sekretarijata za privredu, finansije, urbanizam i komunalno stambene poslove Skupštine opštine Cazin pod brojem 03/2-360-4/77 dana 27.04.1977. godine,
- Kopija Rješenja o odobrenju produženja roka važenja za eksploataciju mineralne sirovine – ciglarske gline na eksploatacionom polju Čukunovo brdo na području grada Cazna, izdano pod brojem: 06-14-3970-UP-1/22 dana 17.11.2022. godine, uz prilog situacione karte kao sastavni dio Rješenja,
- Kopija Rješenja o odobrenju za eksploataciju mineralne sirovine – ciglarske gline izdano od strane Općine Cazin pod brojem: 02-18—1784/2002. dana 31.12.2002. godine,
- Kopija rješenja o vodnoj dozvoli, kojim se daje vodna dozvola pravnom licu „I-CRNI“ d.o.o. Cazin za aktivnosti koje mogu imati specifične uticaje na vode prilikom izvođenja aktivnosti na lokaciji tvornice za proizvodnju opečnih proizvoda sa eksploatacionim poljem gline i pratećim sadržajima; izdano od strane Agencije za vodno područje rijeke Save pod brojem UP-1/21-3-40-272-5/22 dana 09.08.2022. godine,
- Kopija Općeg akta o održavanju, korištenju i osmatranju vodnog objekta i postupanja u slučaju kvara ili havarije, urađenog pod brojem protokola: 604-06/19, dana 12.05.2016. godine, u Cazinu,
- Kopija Izvještaja o ispitivanju kvaliteta i kvantiteta otpadnih voda poslovnog kompleksa „I-CRNI“ PJ Ciglana; urađen od strane TQM d.o.o. Lukavac, br. 1/1 dana 28.04.2023. godine,
- Obavijest broj 371-01/22 od 01.08.2022. godine od strane pravnog lica „I-Crni“ doo Cazin o dopuni podneska.
- Dinamički plan izvođenja radova prema Glavnom projektu hidroinstalacija i vanjskog uređenja sa tretmanom otpadnih voda broj: 56-01/24 od 07.02.2024. godine.
- Glavni projekt hidroinstalacija i vanjskog uređenja sa tretmanom otpadnih voda, za poslovni kompleks „Ciglana I-CRNI“ doo Cazin“ za proizvodnju ciglarskih proizvoda sa pratećim sadržajima i eksploatacionim poljem gline; urađen od strane „SENDO“ d.o.o. Sarajevo pod brojem 205-10-i/21 od 29.10. 2021. godine, u Sarajevu, (na uvid)
- Revizija projektne dokumentacije urađena od strane „Smajić-Inženjering“ doo Goražde pod brojem 140-REV-22-K od marta 2022. godine.
- Zaključak o visini i roku za plaćanje posebnih troškova; izdan od strane Agencije za vodno područje rijeke Save pod brojem UP-1/21-3-40-561-2/23 od 30.01.2024. godine te kopija platnog naloga za iste.
- Tehnički podaci o ugrađenim separatorima.
- Godišnji izvještaj o obračunu posebnih vodnih naknada – EBS obrazac sa kopijom uplate istih.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), izvršen je pregled izgrađenog poslovnog kompleksa tvornice za proizvodnju opečnih proizvoda sa eksploatacionim poljem gline „Čukunovo brdo“ i pratećim sadržajima na lokaciji Čoralići, pravnog lica „I-CRNI“ d.o.o. Cazin, i tom prilikom sačinjen zapisnik o uviđaju broj: UP-1/21-3-40-561-2/23 od 30.01.2024. godine pri čemu je utvrđeno:

Poslovni kompleks tvornice za proizvodnju opečnih proizvoda sa eksploatacionim poljem „Čukunovo brdo“ i pratećim sadržajima je izgrađen u naselju Čoralići, Grad Cazin. Kompleks tvornice se sastoji od: objekta proizvodne hale za proizvodni pogon sa sušarom i tunelskom peći, objekta ostave, objekta interne benzinske stanice, objekta kotlovnice, objekta proizvodne hale za primarnu preradu gline, objekta transformatorske stanice, objekta mašinske radionice, objekta skladišta goriva i maziva, objekta mehaničarske radionice, objekta proizvodne hale pogona za proizvodnju gredica, objekta proizvodne hale za proizvodnju nadvoja i proizvodnju paleta, objekta za sanitarne potrebe uposlenika, objekta restorana i uprave, objekta nadstrešnice za vozila, objekta trgovine sa portirnicom, objekta skladišne nadstrešnice, objekta za pakiranje cementa, objekta skladišne nadstrešnice, skladišta plina, eksploatacionog polja, uređaja za tretman otpadnih voda, internih saobraćajnih i manipulativnih površina te zelenila.

Tehnološki postupak proizvodnje opekarskih proizvoda na predmetnoj lokaciji se može podijeliti na dva osnovna procesa: eksploataciju gline i finalnu preradu gline. Proizvodni proces počinje eksploatacijom gline na eksploatacionom polju, koje se vrši u slijedećim fazama: - skidanje otkrivke i njeno deponovanje na unutarnje odlagalište, - otkopavanje gline, - vanjsko deponiranje gline te deponovanje gline radnim mašinama na deponiju gline ispred proizvodne hale za primarnu preradu. Sa deponije gline, glina se utovarivačem unosi u vanjski dodavač, odakle transporterom ide u kružni mlin, gdje se vrši usitnjavanje. Usitnjena glina se utovarivačem unosi u unutarnji dodavač, a zatim se transporterom deponuje do dvoosovinske mješalice, zatim na grubi mlin (promjer zrna 3-4 mm) tip FM7, potom na fini mlin (promjer zrna 1,5 – 2 mm) FM 10. Zatim se transportuje do prese BEDESCHI 6255. Presovana i izmješana glina se transportuje do alata za oblikovanje blokova, koji se potom režu na zadane dimenzije te ulazu u regale kojima se odvoze do sušare na sušenje. Osušeni blokovi se vade i slažu na vagon za pečenje, kojim se odvoze u tunelsku peć. Vagonom za pečenje se proizvod odvozi do pogona za slaganje i pakovanje gotovih proizvoda, koji se zatim odlažu na skladište gotovih proizvoda, do momenta isporuke kupcu.

Objekt je priključen na javni gradski vodovodni sistem za potrebe sanitarne vode, vode za protivpožarnu zaštitu i vode u tehnološkom postupku - kao dodatak glini radi postizanja optimalnog radnog pritiska. Oborinske vode sa krovova objekata se sistemom horizontalnih i vertikalnih oluka svode dijelom do revizionih šahtova na tlu a zatim se cijevnim sistemom odovde do ispusta u korito Čajina potoka, dok se drugi dio ispušta direktno na manipulativne površine. Oborinske vode sa manipulativnih i internih saobraćajnih površina se kupe putem uličnih slivnika i odovde do ispusta u korito Čajina potoka. Postoje četiri ispusta sa prostora proizvodnih pogona te jedan ispust oborinskih voda sa prostora eksploatacionog polja, svi u korito Čajina potoka.

Dio pratećih objekata je evidentno izgrađen u vodnom dobru vodotoka Čajin potok.

Na prostoru predmetnog kompleksa su izrađeni slijedeći objekti za manipulaciju naftnih derivata:

- rezervoar za mazut, zapremine 263 m³, cca 250 tona mazuta, koji je smješten u AB tankvani zapremine cca 500 m³. Mazut se koristi za zagrijavanje peći i sušare.
- Rezervoar diesel goriva za potrebe interne benzinske stanice. Naftni derivati se koriste za pogon radnih mašina i strojeva na eksploatacionom polju Čukunovo brdo, kao i za radne strojeve i vozila pogona za preradu gline. (Nedefinirano je da li je rezervoar jednoplani ili dvoplani).

Na prostoru predmetnog kompleksa su izrađeni/predviđeni slijedeći objekti za tretman otpadnih voda:

- Separator ulja i masti, tip MES - 500, za prihvatanje i tretman otpadnih voda sa prostora mašinske radionice za servisiranje radnih mašina i strojeva,
- Separator naftnih derivata, tip 6000 M Koalescent, za prihvatanje oborinskih voda sa pretakališnih i saobraćajnih površina interne benzinske stanice i pretakališta mazuta.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Uredbe o uslovima ispuštanja otpadnih voda u okoliš i sisteme javne kanalizacije i Pravilnika o sadržaju, obliku, uslovima i načinu izdavanja i čuvanja vodnih akata, propisani uslovi i predviđeni radovi kojih se korisnik pogona ima pridržavati.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje te kontrolu izmirivanja obaveza na osnovu opštih i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH, broj 46/07).

Na osnovu provedenog postupka i utvrđenog činjeničnog stanja, doneseno je rješenje kao u dispozitivu. Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH”, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Fuad Mujagić, dipl. inž.

m Po ovlaštenju
Rukovodilac sektora za izdavanje
vodnih akata



Hariš Ališehović
Hariš Ališehović, dipl. inž. građ.

Dostaviti:

- „I-CRNI” d.o.o. Cazin, Lojička bb, 77 220 Cazin
- AVP Sava, ISV – Vodna knjiga
- Sektor 50
- ⊙ Sektor 40, arhiva
- Oglasna ploča-AVP Sava